



MADI d.o.o. Tešanj

Društvo za proizvodnju, promet i usluge

Poslovna zona Vila broj 16 | 74260 Tešanj

PDV 218043630008 | ID 4218043630008

www.madi.ba | e-mail: info@madi.ba

Tel. +387 32 650 260 | 656 450 Prodaja: +387 32 654 250 | fax: 654 455 | prodaja@madi.ba | finansije@madi.ba

Broj: 26/19

16.01.2019. godine

OPĆINA TEŠANJ
n/r Općinski Načelnik

PREDMET: Dopuna zahtjeva za dodjelu nekretnina na korištenje u Bukvi

Poštovani, dopunjavamo naš zahtjev broj: 5176/18 od 19.11.2018. godine, za dodjelu na korištenje nekretnina u Bukvi i to nekretnine označene kao K.Č. 997/2 i 998/1, ukupne površine 5.614 m², upisane u PL 1092 K.O. Novo Selo.

DOKAZ: Kopija zahtjeva u prilogu.

Navedene nekretnine su nam dodjeljivane više puta unazad, koje smo koristili radi zbrinjavanja nusproizvoda klanja (animalni otpad), koji nastaje u proizvodnom procesu.

Za navedenu proceduru zbrinjavanja animalnog otpada, ovo društvo je dobilo od Kantonalnog ministarstva prostornog uređenja, prometa i komunikacija i zaštitu okoliša ZDK, Dozvolu za upravljanje otpadom i njegovo odlaganje. Navedena dozvola je istekla sa 31.12.2018. godine, kada je prestala da važi i Općinska Odluka o davanju nekretnina na korištenje i ovo Društvo će ponovo od nadležnog ministarstva pribaviti navedenu dozvolu za zbrinjavanje animalnog otpada, ako nam se opet dodijele nekretnine na korištenje.

DOKAZ: Rješenje/Dozvola broj: 12-23-02438-1/15 od 17.04.2017. godine

Poštovani načelnice, upoznajemo vas da smo potpisali ugovor sa Agroindustrijskim kombinatom iz Bačke Topole (AIK) Srbija, na period od 3 (tri) godine (do 31.08.2021. godine), o izvozu i zbrinjavanju nusproizvoda životinjskog porijekla, kojem već od 16.11.2018. godine izvozimo značajan dio animalnog otpada, a od 21.01.2019. godine će se izvoziti i dodatne količine animalnog otpada. Iz tehnoloških razloga, navedena firma još nije u mogućnosti da zbrinjava pileće kosti, krvi i glave, ali očekujemo da će se i navedeno izvoziti u dogledno vrijeme, nakon što firma koja zbrinjava navedeni otpad izvrši vlastitu tehnološku nadogradnju za zbrinjavanje ovog otpada.

Iz navedenih razloga, kao i zbog eventualnih vanrednih razloga koji mogu nastati (zatvaranja granice, epidemije, više sile i slično), dozvola za korištenje gore navedenih nekretnina nam je vrlo bitna, na kojoj bi mi vršili zbrinjavanje animalnog otpada kao i prethodnih godina, ali sada uz znatno manje količine otpada.

U skladu sa navedenim spremni smo da se za zbrinjavanje ovog otpada formira i određena nezavisna kontrola, koja bi nadzirala odlaganje otpada, u smislu količina koje bi se odlagale.

Napominjemo da nam je cilj, nakon što dobijemo „zeleno svjetlo“ za izvoz naših proizvoda u EU, da se sav animalni otpad koji nastaje u proizvodnji, zbrinjava u nekoj od zemalja EU koja ima izgrađene odgovarajuće sisteme za zbrinjavanje ovakvog otpada i za koji se daju odgovarajući EU poticaji proizvodnji. Jedna od potencijalnih deponija za ovakav otpad se nalazi u gradu Ivanić Grad, u Zagrebačkoj županiji, Republika Hrvatska i to nam je trenutno jedna od najinteresantnijih destinacija gdje bi mi izvezili otpad.

Takođe naglašavamo da je društvo „MADI“ d.o.o. Tešanj lider u proizvodnji pilećeg mesa i prerađevina od pilećeg mesa kako u BiH tako i u regiji i s tim u vezi naglašavamo da ovo društvo ima veliki značaj za reklamiranje i razvoj naše Općine, u kojoj zapošljavamo više od 600 radnika i u kojoj je „MADI“ d.o.o. Tešanj dao doprinos poboljšanju života građana, sponzorirajući različita vjerska,



MADI d.o.o. Tešanj

Društvo za proizvodnju, promet i usluge

Poslovna zona Vila broj 16 | 74260 Tešanj

PDV 218043630008 | ID 4218043630008

www.madi.ba | e-mail: info@madi.ba

Tel. +387 32 650 260 | 656 450 Prodaja: +387 32 654 250 | fax: 654 455 | prodaja@madi.ba | finansije@madi.ba

sportska, kulturna, humanitarna i druga udruženja, gdje se na godišnjem nivou izdvaja preko 200.000,00 KM.

Posebno ističemo da ova firma izdvaja značajna novčana sredstva za zbrinjavanje kako animalnog otpada, tako i za prečišćavanje tehnoloških otpadnih voda, za koji postupak je u toku izgradnja povećanja kapaciteta uređaja za prečišćavanje, koji će i dalje zadovoljavati i najstrožije EU kriterije koji se traže glede tehnoloških otpadnih voda. Procijenjuje se da će investicija povećanja kapaciteta uređaja za prečišćavanje tehnoloških otpadnih voda preći iznos od 1.000.000,00 KM.

Drugim riječima, društveno smo odgovorna firma i smatramo da bi se dosadašnja pozitivna saradnja sa našom općinom trebala nastaviti i dalje, pogotovo na gore navedene, nama vrlo bitne razloge za daljnji napredak i razvoj ovog privrednog društva i privrede općenito na području naše općine.

S tim u vezi, molimo da se našem zahtjevu udovolji u što doglednije vrijeme, kako bi pribavili sve potrebne dozvole za zbrinjavanje animalnog otpada.

U slučaju potrebe za dostavljanjem na uvid potrebne dokumentacije za sve gore navedeno, određuje se kontakt osoba:

- Armin Rahmanović dipl.iur.
- 061/142-486
- pravna@madi.ba

Unaprijed zahvalni !

DIREKTOR / IZVRŠNI DIREKTOR
Maid Jabandžić dipl.oec. / Edin Jabandžić dipl.oec.